

JOSE LUIS Y SILVIA CINALLI

Ilustraciones Daniela Toum



Na' aqtax anaxacpi

maye saishet ra na' aqtaxanaxacpi

No'onaxat ra nauoche ra maiche nataxac,
yā'añaqchet ra nataxac
qataq yō'ot ra na'aqtaxatega't ca maiche nhuo'

Cinalli, José Luis

Na'aqtaxanaxapi maye saishet ra na'aqtaxanaxapi: No'onaxat ra nauoche ra maiche nataxac, ya'añaqchet ra nataxac qataq yo'ot ra na'aqtaxatega't ca maiche nhuo' / José Luis Cinalli y Silvia de Cinalli; Adaptado por Pedro Medina ; Revision Damián Placido Medina- 1a ed. - Resistencia : José Luis y Silvia Cinalli Editores, 2015.

52 p.: 15 x 15 cm

ISBN 978-987-3807-04-6

1. Prevención. 2. Abuso Sexual. 3. Autoayuda. I. Cinalli, Silvia de II. Título

CDD 158.1

Autores

José Luis y Silvia Cinalli

Ilustraciones

Daniela Tourn

Compaginación

Denis López

Corrección

Esperanza Robeff de Sabadini

Av. Castelli 314 - Resistencia

C.P. 3500 - Chaco - Argentina

Tel/Fax: (03722) 421657 - 438000

E-mail: consultas@placeresperfectos.com.ar

Sitio Web: www.placeresperfectos.com.ar

Queda hecho el depósito que marca la ley 11.723

Impreso en Argentina

Reservados todos los derechos.



TODOS

www.fundaciondelaciudad.org

Nam huetaña na qajaxatpi

Ra miyaxac chegoqo'ot Ñim Lo'onatac 'Enauacna..5	
So loigue maye hueta'a aso queracoxo	13
Ra na'aqtaguec ra nauotaxanaqtaic	20
Sehec, llapaxaņi qataq ñetoueeta'ac	27
Na'a'q maye huetoigui ra tonaxac	34
So nqaġa lġa Ramón	42



Ra miŋaxac chegoŋo'
ot Ñim Lo'onatac
'Enauacna

Huo'o so na'a'q huo'o aso ncote ŷataqta soxorai, asom
'enauac qaŷauatton ra qaŷamata'ac ncote.
Aso maye ŷataqta ŷaguec ra soxorai, qaŋ netaigui so
ŷataqta lata'araic qataŋ 'onnaxaic lma'.



Qaq naxa ra avit nache aso Ariana qataq so Benjamín,
naxa ra nnoxorec chegoqtrea'a aso paxaguenaxaqui
nache namaqtrega aso lcote.



¡Soomaye yātaqta ncopitra ra nco'ora so lma'aso lcote!
Cha'aye aso maye saxayēt naxa ra huo'o na 'onnaxaic
la'ataxanaxacpi. Qaq se'eso na'a'q yāneuaq so
qaviaxaraicpiolec yēnaxatchigui ra lataxac na
shiguiyācpiolec, huaqaañipi qataq na layēpi, yālecnequet
na azuca maye yotta'a't ra lo'ogoyāxac qataq chocolate
maye quiguiñi. ¡Aaaa maye saq ama!




Qaq naxa ye avit, nache aso lcote ra'aqtaxanema
nam na'aqtaxanaxacpi co'ollaxa. Qaq se'eso avit nache
yacona aso late'eraí nere la Biblia, yaqto'ya'axat ram
yataqta huo'o ra la'amaqchec.



-¿Qauayacheñi peta'a ra Ñim Lo'onatac 'Enauacna yō'o't co'ollaxa ra yataqta 'onnaxaic qanme? 'Ena na huetaña na ya'axat ra lataxac ra qomi' yō'o't co'ollac souaqtaigui na lauel aso qarate'e, ñimaye qomi' yanema ra qanme re'era qarataxac 'alo huo'otaq yale. Nogotole huo'otaq nogotolec, qaq 'era ra 'oonolec lataxac maye huetaigui nam yataqta qalota meyaxac maye yō'ot co'ollaxa ñim no'on qarataxala' maye Lo'onatac 'Enauacna -'enapeco' asom lcote.



-Nache som Benja renataxano''eeta'. - ¿Chaq ta'anco' ra
 yō'o't ana nogotole qataq na nogotolec co'ollaq qomi' yō'o't?
 -Nache aso lcote 'enapeco'. - Cha'aye Ñim Lo'onatac
 'Enauacna lhuennataxa ra machiyiñi ra ilora'a re'era maiche
 laxata'c. -Nache aso Ariana 'enapec.- Aÿem yataqta
 samachiguiñi ra saÿaten ra aÿem nogotole. -Nache aso lcote
 aso 'enapeco'. - ¿Peta'a qanqopichiya re'era qanmei? ¿Chaxan
 'eetec ca qarhuennataxai ra sanamaxam ra qana'achecÿaxac
 Ñem Lo'onatac 'Enauacna souaxat re'era? -¡Yataqta 'onaxaic!
 -'Ena'apo' so nogotolqa.



Qaq co'ollaq mashe huetra so lma', co'ollaq raistega't, nache aso Ariana 'ena pec: -Benja, yataqta ñeqopita ram qanme maye qomi' yanema Ñem Lo'onatac 'Enauacna. Qaq cha'aye a'em nogotole, nache seyete ra ña'amen, saani ca npotole maye huo'o na lloxoraxat qataq huo'o qome ca na'a'q ra a'em nate'e. -A'em nataqa'en ñeqopita ra ñime maye chegoqo'ot Ñem Lo'onatac 'Enauacna; ¡Qaq cha'aye a'em yale nache ishet ra 'am ñauec ra 'am ñoqomite'! -'Enapeco' so Benja, ra yaqto' sa'yalemaxat.



Qaq huaña nache soua nogotolqa natame'n, 'eeta':
 " 'Am Qarta'a maye 'Aro'onatac 'Enauacna, 'am sanaxam
 ra qana'achec souaxat na qanme maye qomi' ayanema.
 Qana'achec ra qomi' auo'o't. Qana'achec ra qomi'
 'auennata'alo chegota'a co'ollac souaqtaiqui na lauel aso
 qarate'e. Aja' nache'etec". Qaq re'era na'aqtaxanaxac maye
 saishet ra na'aqtaxanaxac, mashe ime.

So loigue maye
hueta a aso
queracoxo

Qaq yātaqta 'onaxaic se' eso na'a' q co' ollaq hueta' a so achelaqa'. Aso nala', aso lapaxapi, 'enauac ra yātaqta 'onaxai.- ¡Benjamiiiiin, Ariaaaaaana, huo'o ra na'aqtaxanaxac maye sauotaique ra qami'-sa'aqtaxanema! - reyāxan co' ollaxa aso lcote maye hueta' a aso lalachiqui. Qaq som nogotolqa ye yātaqta nqopitra nam la'aqtaxanaxacpi aso lcote'. Nache yāxaareñi ra yā'ashaxaattrac aso queracoxopi nache, iyalapigui'salo nache nso'ooreñi saqayapeque naqa'e'n asomaye ra yaqto' na'axayaxaara.




Nache aso lcote, 'enapeco': huo'o co'ollaxa so queracoxo
 yataqta ya'axaiquolec, maye huac ra 'eeta'am ayem, qaq
 huo'o so na'a'q nache iyaxaneuga 'enauac som layepi
 queracoxopi nache 'enapega,'eeta':



'Enauac na hueta'a ana 'alhua ra qomi' yē' enai' salo souaxat ra soqoshaqta ra sequeuoṽaqapigui' nache qomi' laloqnaxanaqa' ate ra retaxaṽa na quem. ¿Chaq 'eetec ra shenaqapega anam nate' elpi queracoxopi ra ṽapaxaguenec na llalaqpi ñaqqiolec ra taigue ra rataṽa' ague ra queuoṽapigui'? - 'enapec som ṽa' axaiquiolec queracoxo. Nache 'enauac somayepi ra ṽaṽamaxareeta re' era, qaq nache chegoqchiguiña co' ollaxa se' eso na' a' q...




...ra aso late'elpi yāuo'o ra lauoche ra yāueca'agueta naua
 lapia'ate asotai' queracoxopiole, yā'auaxaañi asotai' 'oonole ra
 yueegue ra rataya'ague, ime qataq yāuec aso lya. Asotai'
 qapio'olepi yātaqta huotaique ra quegue ra
 napaxaguenataxanaxac, qalaxaye ila'a ra yātaqta huo'o ra lqalaic.



Qaq huo'o so na'a'q, nache sotai' queracoxolec maye yōqta
 yāanataxanaxaic nnattegala'to', 'eeta':;ta'anco' ra qaño'ot ra
 saxague ra sataqta'ague ra sequeuoŷaqapigui', ye 'enauac
 ana queracoxopi ra queuoŷapigui' nache taigue ra
 qosheta'ague?



Qaq cha'aye asotai' queracoxopiole saishet ra taigue
ra rataya'ague ra queuoypigui', nache 'enauac aso
queracoxopi ye'eguelaxa ra qaltaq laйна't ra
na'aqtaxana't. -Nache 'enapeco' sotai' ya'axaiquiolec
queracoxo- re'era nhuennataxa ra nqueuoxoc ra qotaigue
ra qaγatata'ague damaye saishet ra qaγo'ot - qataq 'eeta'-
saishet ra qaγo'ot cha'aye saishet ra sequiquiaqto'ot nam
qaraγepi ra γo'ot cam qomi' saishet ra so'otaq.



Ram na'aqtaxanaxac yā'axat ra 'era ram chegoqteua'a ra huo'omshe ana queracoxopi nache queto'ot ra qosheta ra queuoḃapigui'. Qaq ram ishet ra ñapaxaguenaxa maye huetaigui ne'ena no'on na'aqtaxanaxac 'era maye nam qaraḃepi ḃaqtec ra ilotagui nam so'otaqpi qaq sailogui nam shenaqpec. Qaq, re'era na'aqtaxanaxac maye saishet ra na'aqtaxanaxac, mashe ime".

Ra na' aqtaquec ra
nauotaxanaqtaic



Ne'ena naḡauo martes nache lañoxoqui añi ḡate'e.
 ¿Qaq negue'tom cam seshet ra sanem ra nme?
 ¿Negue't cam seshet ra so'ot, ye qaca aca aḡom?
 – reuennataxaataco' aso Ariana. Qaq huaña nache
 tachiguio' lauel ra retaxaḡapegue' aso lcote.



Come, āyem sauotaique ra sauo' o ca sanem añi ȳate' e qom ivira na lañoxoqui, qalaxaye caca aca āyom ra-sesheenaxana ca nme - 'enapeco' aso Ariana. Qaq aso lcote ñaq-reuennata xaatac ca 'eetec ra itauan asomaye, qaq aso Ariana ye ȳataqta raquico, nache n̄yen.



Nache aso lcote 'enapego', 'eeta':-Saishet ra 'auaquico Ari, saishet ra 'an̄yen. Āyem 'aua'āqta' a ra 'am sa'aqtaxanem ra na'aqtageuc ra Ita'araic nauotaxanaqtaic. Saiuena' a ra qomi' itaua'n da sanataxa ca lataxac re'era: Soua qāoçteguelo vi'iye...



...huo' o co' ollaxa asotai'
qapio' ole nogotole maye
ȳauo' o so nme so lta' a.
Asom ȳan asomaye
nāyamaqtaxanaxaqui
ȳataqta late' erai qataq
iqovialec ra lo' ogoȳaxac.



Qalaxaye co' ollaq ȳauaangui
asomaye nache nanoma ra
qui' itchigui. Qaq huaña, nache
ralemata ȳataqta nqaqaañi
nache, 'eeta': - ¿Sa' auaȳateno'
ra huo' o ca aya' anem ca nme,
qaq iuen ra huo' o ca huetangui
acam lāye'?



-¡A'aa, 'am ito'olec! Anamaye saishet ra qui'itchigui, saishet ra qui'itchigui, a'ēm qalota so yā'at ra sequichichigui, qalota so yāpigoxosoxonaxac sachangui anamye. ¡Qaq somaye 'enuac ra 'am ta'ōt, 'am ito'olec! - 'enapeco' asotai' nogotole, n'ēetac.



Qaq som Ita'a, ye yāyateeteguet ra Ita'araic Isomaxac, nache i'āxanot asomaye ra chochi ichoxoren somaye, nache qapale' qataq yānem ra na'achic'yaxac souaxat 'enuac som yō'otpi ra nme naqa'en somaye.



Ram na'aqtaxanaxac yā'axat'ra se'eso yale' enauaque naua
na'axa'te ra yāyamaxattac asa'asotai' na'yamaqtaxanaxaqui
yāataua'a na laye so Imala' qaq, naxa ra nanomteguet ra
laquicoxo, nache saqyet ra yāuaangui asotai'
na'yamaqtaxanaxaqui, nache nqatsheguem som
lapigoxosoxonaxac asotae' qapio'ole llale, nache ramaye
yō'ot ra machuiguiñi naxa somaye".



-¡Aa yataqta sano' onolec ram na'aqtaxanaxac, 'am Come! -
'enapeco' aso Ariana nache yataqta rayalleguettae'.- Ra
'anqopita re'era nhuenntaxac - 'enapeco' aso lcote- nache
so'oxon catae' noxoiquiolec saqota' a na no'oxonaxanaxat
iqovialec ra lo'ogoyaxac nache 'am 'anlaxatchigui qome ra
'auachangui cam qalota, qalota napigoxosoxonaxac qataq aca
lcomshe aca lauoxopi ana rosas maye 'am ñenaictague' qom
saxauga aca nañiguishelaye' ra selaqaique. ¡Qaq yo'oqta ra
nqopita qome asom 'arate'e! Qaq, re'era na'aqtaxanaxac
maye saishet ra na'aqtaxanaxac, mashe ime.

Sechec, llapaxañi
qataq ñetoueeta' ac

27

'Enauac naxa ye viernes aso Ari qataq so Benja lquia'axau' naxa ra avit aso lcote'. Qaq se' eso avit, nache aso lcote' iuatta' agueta qalaxaye huañoqtec so lo'onatac. So nquixala' nlaqaalec aso ntaxayaxanata nmeenapi nache aso lcote' ichectac som qalota ne' enaqtacpi.



Nache aso lcote' iŷaxanalo soomaye ra yaqto' lapaxariņi so ne'enaqtacpi lapaxalec soua laue aso nere qaŷ ŷataqta ichettrac. Qaŷ aso Ari qataŷ so Benja saŷaŷate'n co'ollaxa ta'anco' ra aso lcote' iŷaxanalo ra ŷo'o't re'era, qalaxaye ŷataqata nmete'n. Qataŷ ra nataqa'en, ijuatta'agueta soomaye so ŷataqta atomgui qataŷ ama naquip ra saŷaŷaloxo'n ra ŷo'ot so lo'onata'c! Qaŷ somaye nacheso so ŷachaxanapecoto co'ollaxa asom lcote'.



-Qami' ŷauotaqa'ate, nagui huo'o ra qami' sapaxagueneque damaye ishet qome da qauo'ogoxoñiitega qom ŷataqta qaloitelec ramaye - 'enapeco' aso lcote' qaq ŷataqta huesotta ra lavilŷaxac. Ime qataq 'enapeco':



-Ram hua'auñi ra ishet ra so'otaq, 'era 'eeta', se'enaxatac
 yaatañi ñaqa'enaq ñi 'oonlec ne'enaqtac acatai' nogotole
 lpa'axanaqtepi qataq acatai' nogotolec lpa'axanaqtepi.
 ¿Qaushechi peta'a? – renataxano' aso lcote' nache yacona so
 neraxanaxat maye huo'o ra lo'ogoyaxac, nache ñi 'oonolec
 soua nogotolqa, yo'ot so le'enaqtac.



-Qantooñiita'ac ra nam sa'anaqtac nachena nam pa'añauo ra qaro'oc̄yaxac; iqaq ivira'a naxa ra saqaama ye achelaqa' nache sapoxolec! Qaica ca ishet ra ipoteua'a huo'ota ra imeten nam pa'añauo ra qaro'oc̄yaxac. Qaiaca ca ishet ra ipotchiguiña ra qomi' ishiquiaxa'n. Qaq cha'aye yataqta huo'o ra la'amaqchec, nache yaqtec ra serenaq - 'enapeco' aso lcote', nauaxaḃaxaatasheguem ana llaxaata.



Aso Ariana qataq so Benjamin reunnataxaata'ape co'ollaq huetra'a so achelaqa' cha'aye som huetra'a soomaye 'enauc ra iren nam pa'añauo ra lo'ocñaxac. - ¡Hueee...maye sano'onolec ra qomi' ñapaxaneque aso qarcote! - 'ena'apo' soomaye - qaq iuen ra serenaq nataqa'en qomi' nam pa'añauo ra qaro'ocñaxac.




Qaq nquelaxatta ra co'ollaq ña reuennataxaata'ape, nache aso lcote' iŷaxanaxaamalo ra yaqto' ŷanema som ŷataqta atomgui qataq ama naquip - ¡Aa ŷataqta soxorai aña qarcote qalota na qomi' ŷapaxagueneque qataq ŷoqta qomi' ŷauoteque! - 'ena'apo' soua nogotolqa. Qaq, re'era na'aqtaxanaxac maye saishet ra na'aqtaxanaxac, mashe ime.


Na a q maye
huetoiqui ra tonaxac



Qaq se'eso nte'eta, so Benjamin qataq aso Ariana nlorec huetra'a so lma'aso lcote'. - ¿Nagui ne'ena na'a'q nache huaigui ca na'ashaxac? - renataxano' so Benja, cha'aye naxa ra ñanaxa na lma' ara qarcode nache saqyet ra yataqta'onaxaic. - Aja' -'enapeco' aso lcote - qom ime ra qarquia'axaqui, nache huo'o ca qami' sa'axatema yataqta'onaxaic!



Qaq asom. Icote' co' ollaq ña-yo' ottac aso lahuolepi ayiiña
 lalegue naqa' en so ama huaca-lche', nache aso Ari qataq so
 Benja n̄omtrapigui so ama, yalectetra' aguet souatae' 'eco'
 npeltelole lalegue na-ama qataq yotta'a't ra lo'ogoyaxac. Qaq
 somaye yataqta ama, yataqta ama nache yo'ot ra icouaqche't
 ra aso Icote' huo'o ctaxa ca ya'axatema iyataqta 'onaxaic!



Qaq co'ollaq ime ra lquia'axa'c, nache aso lcote' yanema so yataqta 'onaxaic la'axayaxa'c. - ¿Qantooñita'ac ra aso qarache'e mashe late'erai ana ra'am? ¡Nagui nache ñiguiñi ca qarqayayolec! - 'enapeco' aso lcote'. - ¡Hueee!... qomi' dos qome ra qomi' nogotolqa - 'enapeco' so Benja, qalaq ya'ashaxaatac aso lapoto legaxaiste aso lcote.




-¡Qomi' dos qome ra qomi' yale't, nache ñauegaq qome añemaye, ja,ja,ja! -'enpeco' so Benja. - ¡A'aaa! Come aýem sauotaique acatai' nogotole - 'enapeco' aso Ariana qaqa nache sanaýaloxon ra renataxan: - ¿Peta'a qaipelec qome ana ra'am aso yate'e ra yaqto' nnoxonec qatae' nogotolec?



-Mmm...sasāyatenāq, huo' o ra maiche ndotec - 'enapeco' aso lcote. - ¿Qaq ca 'eeteco ra ñiguiñi? - qaltaq ye' eguelaxaleco' ra renataxan aso Ariana. Nache aso lcote yachaxana asomaye aso nere nache ra' aqtaxanem ra 'eetec ra ñiguiñi natae' nogotolec.



-Qalota natae' ñaqqiolec-na yalemaqteguet-naxa ra maiche lataxac ra ñiguiñi. Qaq ramaye 'era naxa ra natae' nogotolec nacheviigui añi logoqte añi late'e - enapeco' aso lcote, - ¿Peta'a 'ena'am ra lcotela't? - Renataxano' so Benja. - Egatae', Benja, ramaye qaltaq huañoqtec. Cha'aye nachenata na 'alpi ra huo'o añi logoqte qaq nachañi añi nachiviigui ra ñiguiñi natae' nogotolec - 'enapeco' aso lcote.



-¿Peta'a qalota ra lqui'ic? – renataxano' aso Ariana. Nache aso lcote yacono' sotae' yauecapec nache 'enapegalo soomaye, 'eeta':
 - Qami' ñoqolqa, ¿qaloita'a ra 'eetec ne'enatae' ra yauec? Qaq, nache'eetec añi-logoqte ana 'alo,-ra yauec ra yaqto' ishet ra nnoxonec natae' nogotolec. Ra lqui'ic saqayaucec, ¿qalaxaye, ana late'e naxa ra ila'a natae' llalcolec, nache yataqta machiguiñi nache saqnoma ra inogonec ra nqui'ic!



Qaq nache huaqchiguio' co' ollaxa ramaye, ra nvldeuo soua lta'al nachetrac sotae' llalcolec. Nache aso Ariana ca'ata' agueta nqalgoqta nache ra'aqtaxnem aso late'e, 'eeta': - Mashe sa'yaten ra 'eetec ra ñiguiñi natae' nogotolec qaq sauotaique ra 'alo acatae' nca' ataxanauo qome. Nache 'enuac somayepi ra'yalleguittagui, yataqta machiguiñipi souaxat sotae' nogotolec maye ñiguiñi qataq souaxat ram lquiuiaxac aso Ariana. Qaq, re'era na'aqtaxanaxac maye saishet ra na'aqtaxanaxac, mashe ime.

So nqaija lija Ramón

UCHO

¡Qaq ivira so na'a'q! nache 'enauac somayepi layona't ra yaqto' qayo'oxoren som lañoxoc aso ncote maye ivi' 80 vi' iye ra nachaalataxac. Qaq yataqta qalota so shiyaxauapi, cha'aye 'enauac ra yataqta qayauotec asomaye.



Qaq yataqta Ita'arac se'eso na'ashaxac! Huo'o som nallec yataqta ama qataq qalota som nachetaqtaxanaxatpi. Nataqa'en qalota som ñaqqiolec ra yaqto'ra'ashe. Qaq yataqta 'onaxaic, jiiyataqta



Som ñaqqiolec yātaqta nqalgoqtega't se'eso n̄yec qataq
 ra'aestacpi yāuota'a qañoxtaxac. ¡Qaq yātaqta huo'o so naḡac
 cha'aye se'eso n̄yec qalota so qañoxtotaqa'pi qataq yātaqta
 yāyamaqchiguiñi ra saqaḡanata ñi 'oonolec somayepi!



Qaq som logoraic nqāya lya, le'enaxat Ramón,
 nqañoxotoiguio' so lo'ochaxaqui aso ncote nache 'enapega
 so Benjamín qataq aso Ariana ra nqañoxotaxau' somaye.
 Nache soomaye yāyamaxareete' ra lhuennataxa somaye.



Qaq co'ollaq ndotre' so nqaŷa lŷa Ramón, nache
 'enapegalo soomaye ra'huo'o so lŷa la'ashaxac qalaxaye
 hueqatalo ra qaica ca ra'aqtaxaarem ram huotaique ŷo'ot,
 cha'aye ramaye ŷapogoñi.



Qaq huaña nache so, ¡Ramón naviguiñi aso lamaxaso nache yachaxanalo soomaye nam pa' ayauro ra lo'oc yaxac! Qaq so Benja yataqta sayayamaxaren ra yo'ot re'era so Ramón nache na lashec yo'ot ra reqaiga re'era. Qaq aso Ariana ñi'i nache jec chegaqañi ra yaqto' ra'aqtaxanem aso lcote.



Aso Ariana, co'ollaq nqalogoqta, nache tachiguio' lauel so
 lqataxac aso lcote: "ram yapogoñi saishet ra no'on...nacherata
 ra iuen ra qairen ram pa'ayauo no'oc̄yaxac"



Qaq aso lcote' co'ollaq ivireua'a so lo'ochaxaqui, nache ila'a
 so nqaya lya Ramón, som lauattanatac asomaye, qaq somaye
 saishet ra yōqta nhuo'le'ec. Qaq somaye 'eetega qaica
 co'ollaxa ca yō'ot, soua ñoqolqa maye ratenataxa'n,
 qalaxaye som ñoqolqa yōqta 'eesa so la'aqtaxanaxa'c.
 Nache aso lcote' ya'amaqte'n soomaye.



Qaq ime, nache aso lcote' iŷaxana so huataxanaxale'ec ,
ra yaqto' so Ramón saishet ra qaltaq ŷe'eguelaxa ra
iquichoqchet so ñaqqiolec maye hueta'a so qanayeuta'a
qataq ra saishet ra nache queto'ot ra ŷo'ottac re'era.



Qaq co'ollaq inoxooroigui so no'ochaxaqui soua Ita'al aso Ariana qataq so Benjamine, nache yaarem aso ncote sotai' nogotolec nache yataqta nqapaltegueto soomaye. - nache ntootapegueeque se'esoua dos souaxat ra iyaxaara co'ollaxa aso lcote' - qaq yataqta nyenapec aso late'e' - nache 'enapec yataqta yayamaqchiguñi som qao'оче.



Qaq co'ollaq ñaq taŷa'a ra 'om.sotae' lcoŷaraxat so lañoxoc aso ncote, nache aso Ariana qataq so Benja ŷataqta nqapaltregue' asomaye qataq ŷaarem ra na'achecŷaxa'c, cha'aye 'enauac nam ŷapaxagueneque co'ollaxa soomaye, ŷataqta itaua'n ra rataira'aguet se'eso ŷale maye qauem ra lataxac. Qaq se'eso na'a'q, 'enauac ra machiguiñi somayepi, nache 'enauac ra ŷo'oxoren so lañoxoc aso lcote... Qaq, re'era na'aqtaxanaxac maye saishet ra na'aqtaxanaxac, mashe ime.

Na' aqtax anaxacpi

maye saishet ra
na' aqtaxanaxacpi

Ana'ana nere ra 'eetapeguec huotaique ra itauan caua nta'al ra rapaxaguenataxanec ra lataxac qataq ra ivita'aguet naqa'en ra ne'enaguec ra lo'oc̄yaxa'c qaua llalqa. Ra sarasaguettac nmitaxanaxac 'enapeco', ram yāyamaqta napaxaguenataxanaxac ra 'eetec re'era no'oc̄yaxac ra saxanaxa ra yi ca shiyaxaua qataq ra no'on lataxac ra caua nta'al na' aqtaxategueto qaua llalca, ramaye nquigaxaañi 80% ra saishet ra qaivira'a ra ne'enaguec ra no'oc̄yaxac. Qaq nachera, ra huo'omshe qami' sanaxama ra qauauattoñi ana'ana nere. Qaq sauoqtaique ra qalavilleya ramaye qataq nam qapiole'ecpi qāya'alliquipi. Qaq ra qaviñi ca lya qartaunaxanaxac, nache qomi' qaunachi'

www.placeresperfectos.com.ar



Silvia López Cinalli. Médica Sexóloga. Master en estudios teológicos interdisciplinarios. Postgrados de Sexología Clínica, Orientadora en Sexualidad Humana y especialista en Sexualidad y Discapacidad con aprobación del Centro de Estudios, Terapia e Investigación en Sexualidad y auspicio de la Federación Latinoamericana de Sociedades de Sexología y Educación Sexual (FLASSES) y la WAS (Word Association of Sexology). Directora del Curso Intensivo de Educación Sexual con la aprobación del Ministerio de Educación. Escritora, terapeuta y consejera matrimonial.

José Luis Cinalli. Pastor de la "Iglesia de la Ciudad" de Resistencia. Abogado. Master en estudios teológicos interdisciplinarios. Fundador del Centro de Formación Misionero y Ministerial Argentino. Decano del IBIA (Instituto Bíblico Interdenominacional Argentino), avalado por la ASIT. Presidente de la "Fundación de la Ciudad". Profesor y escritor.

Ambos son oradores y conferencistas reconocidos internacionalmente. Entrenan a miles de personas cada año en diferentes países. Matrimonios, jóvenes, líderes y pastores han sido edificados, sanados y restaurados a través de sus vidas. Están abocados a la educación sexual y son directores del ministerio "Restauración Sexual". Han escrito numerosos libros relacionados con la temática de la sexualidad.



www.placeresperfectos.com.ar

restauración
sexual

